

Statuts dalla cuminonza Vrin

Sebasond sin artechel 76 dalla constituziun dalla vischnaunca Lumnezia



Las indicaziuns da personas e funcziuns serefereschan ad omisduas schlatteinas aschi lunsch ch'ei seresulta buc'enzatgei auter ord il senn da quest regulativ.

I. DEFINIZIUN ED INTENT

Art. 1

La cuminonza d'interess dil vischinadi da Vrin fuorma in'uniun cul num cuminonza Vrin tenor art. 60 ss. dil cudisch civil svizzer cun sedia a Vrin.

Num e sedia

Art. 2

L'uniun ha las suandontas finamiras:

Intent

- promover la qualidad da viver ed il beinstar dalla cuminonza
- far valer interess dil vischinadi da Vrin viers la vischnaunca Lumnezia
- agir sco organ organisatoric dalla cuminonza dil vischinadi
- surprender incumbensas dalla vischnaunca Lumnezia
- organisar las fatschentas ch'ei tenor contract da fusiun resalvadas al vischinadi da Vrin
- survegilar il fondo Greina tenor il reglament pertuccont il diever dalla donazun dalla fundaziun svizra per la tjira dalla cuntrada.

Art. 3

Commembers dall'uniun san ils avdonts dil vischinadi, vischins emigrai e hosps da vacanzas ni autras personas cun relaziuns specialas tier Vrin daventar

Commembradi

II. ORGANISAZIUN

Art. 4

Ils organs dall'uniun ein:

Organs

- la radunonza
- la suprastonza
- il revisurat

Art. 5

La radunonza ei igl organ suprem dall'uniun. Ella consista ord ils commembers dall'uniun e vegn convocada silmeins ina gada ad onn. Ulteriuras radunonzas vegnan organisadas tenor basegns

Radunonza

Art. 6

La suprastonza ei igl organ executiv dall'uniun e vegn elegida mintgamai per quater onns. Ella consista da president, actuar e cassier. Igl actuar funcziunescha era sco vice-president. President ed actuar suttascrivan valeivlamein per l'uniun. Il suprastont ella vischnaunca Lumnezia che deriva dil vischinadi da Vrin ei ex officio commember dalla suprastonza.

Suprastonza

La lavur dils commembers da suprastonza vegn da principi buca indemnizada. Resalvada ei l'indemnisaziun d'eventualas spesas. Ina mudesta indemnizaziun als commembers da suprastonza sa vegnir concedida sch'els exequeschan activitads che survargan la lavur ordinaria da suprastonza.

Per incumbensas specialas sa la suprastonza incaricar personas ni organisaziuns adattadas ni installar cumissiuns ed indemnisar quellas el rom da sias cumpetenzas finanzialas.

Art. 7

Ils revisurs vegnan elegi per ina perioda da quater onns. Els examineschan la contabilitad ed il quen annual e dattan rapport alla radunonza.

Revisurat

III. CUMPETENZAS

- Art. 8**
- Radunonza La radunonza ha las suandontas cumpetenzas ed incumbensas:
- eleger la suprastonza ed il revisurat
 - definir il program annual
 - approbar quen e preventiv
 - approbar e reveder ils statuts
 - decider davart ulteriuras propostas
 - eleger la cumissiun Greina

- Art. 9**
- Suprastonza La suprastonza ha las suandontas obligaziuns e cumpetenzas:
- representar il vischinadi
 - menar la gliesta da commembradi
 - organisar e predeliberar las fatschentas dalla radunonza
 - exequir ils conclus dalla radunonza
 - procurar per finanzas ed administrar la facultad dall'uniun
 - intermediar cun la vischnaunca Lumnezia per l'execuziun d'incaricas ed indemnizaziuns
 - procurar per contribuziuns finanzialas annualas dalla vischnaunca Lumnezia
 - organisar las fatschentas ch'ei tenor contract da fusiun resalvadas al vischinadi da Vrin
 - administrar il fondo Greina tenor il reglament pertuccont il diever dalla donaziun dalla fundaziun svizra per la tgira dalla cuntrada
 - exequir ulteriuras incaricas tenor conclus dalla radunonza
 - decider davart expensas d'entochen 5'000 francs

IV. FINANZAS

- Art. 10**
- Mieds finansials Ils mieds finansials dall'uniun consistan:
- da contribuziuns dalla vischnaunca politica
 - da contribuziuns dil fondo Greina
 - d'indemnizaziuns per incaricas
 - da donaziuns
 - da contribuziuns da commembers e fauturs

V. DISPOSIZIUNS FINALAS

- Art. 11**
- Dissoluziun Midadas dallas statutas e la dissoluziun dall'uniun san succeder cun l'approbaziun entras 2/3 dils commembers presents. La facultad ch'ei avon maun el cass che l'uniun vegn dissolvida ei da surdar ad ina instituziun ch'ei medemamein deliberada dall'obligaziun da taglia e che persequitescha in medem ni semeglient intent cun sedia en Svizra. Ina repartiziun dalla facultad dall'uniun als commembers ei exclaussa.

- Art. 12**
- Entrada en vigur Ils presents statuts ein vegni approvai ils 7-12-2012 dalla radunonza communal da fundaziun dall'uniun ed entran en vigur cun igl 1-1-2013.

La revisiun dils artechels 6 ed 11 entra en vigur cun l'approbaziun dalla radunonza dils 10 d'avrel 2015.

La revisiun digl art. 10 entra en vigur cun l'approbaziun dalla radunonza dils 22 d'avrel 2016.

La presidenta: *J. Vincenz*

Igl actuar: *Cominada*